

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH” broj: 49/06 i 51/09), člana 5. u vezi s članom 17. Odluke o načelima, kriterijima i postupku za određivanje naziva ulica, trgova, mostova i parkova na području Grada Tuzla („Službeni glasnik Grada Tuzla”, broj 2/15) i člana 25. Statuta Grada Tuzla („Službeni glasnik Grada Tuzla“, broj 6/21 i 4/25), Gradsko vijeće Tuzla, na sjednici održanoj dana _____ 2025. godine, donosi

O D L U K U

o dopuni Odluke o nazivima naseljenih mjesta, naselja, ulica i trgova na području grada Tuzle (NACRT)

Član 1.

U Odluci o nazivima naseljenih mjesta, naselja, ulica i trgova na području grada Tuzle („Službeni glasnik Grada Tuzla“, broj: 1/22 i 6/25), (u daljem tekstu: Odluka) vrši se dopuna člana 7. stav (3) tako da se poslije tačke 6. dodaje se nova tačka 7. koja glasi:
„7. Trg Policije 1992.-1995. “

Član 2.

Obilježavanje naziva trga, odnosno postavljanje natpisa, izvršit će Služba za komunalne poslove, izgradnju i poslove mjesnih zajednica Grada Tuzla.

Služba za geodetske i imovinsko pravne poslove unijet će naziv trga u Adresni registar.

Član 3.

Odluka stupa na snagu narednog dana od dana objavljivanja u „Službenom glasniku Grada Tuzle“.

**GRAD TUZLA
GRADSKO VIJEĆE**

Broj:
Tuzla,

PREDSJEDAVAJUĆA

Ana Pejić, BA prava

O b r a z l o ž e n j e

I Pravni osnov

Pravni osnov za donošenje Odluke sadržan je u odredbi člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj: 49/06 i 51/09), kojim je utvrđeno da gradsko vijeće „donosi odluke o organizaciji mjesne samouprave i nazivima ulica, trgova i dijelova naseljenih mjesta“.

Također, odredbama člana 5. Odluke o načelima, kriterijima i postupku za određivanje naziva ulica, trgova, mostova i parkova na području grada Tuzla ("Službeni glasnik Grada Tuzla" broj: 2/15) utvrđeno je da „naziv ulice, parka, mosta ili trga određuje Gradsko vijeće na prijedlog Stručnog tima za određivanje naziva ulica i trgova na području Grada Tuzla, uz prethodno pribavljeno mišljenje građana ili organa mjesne zajednice, na čijem se području ulica, park, most ili trg nalazi“, dok je članom 17. iste Odluke propisano da Stručni tim po zaključenju javne rasprave sačinjava izvještaj o provedenoj javnoj raspravi, utvrđuje prijedlog odluke i isti dostavlja gradonačelniku radi davanja eventualnih primjedbi i sugestija, nakon čega se prijedlog odluke upućuje Gradskom vijeću na razmatranje i donošenje.

II Razlozi za donošenje

Imajući u vidu sve naprijed navedeno te činjenicu da je Stručni tim zaprimio inicijativu Udruženja pripadnika policije 1991-1995 „4. April“ Tuzla, da se prostor na Bračanskoj Malti ispred Tržnog centra „Sjenjak“, gdje se nalazi fontana proglasi „Trg Policije 1992.-1995.“ koja je u cijelosti podnesena u skladu s odredbama Odluke o načelima, kriterijima i postupku za određivanje naziva ulica, trgova, mostova i parkova na području grada Tuzla, Stručni tim je istu prihvatio i uputio u dalju proceduru. Cijeneći kvalitet predloženog naziva ulice, Stručni tim je utvrdio da predloženi naziv „Trg Policije 1992.-1995.“ zadovoljava kriterije propisane navedenom Odlukom jer je policija učestvovala u borbi protiv agresora na Brčanskoj Malti i svim ostalim ratištima širom BiH, kojom prilikom je tridesetjedan policajac dao život za odbranu BiH a dvjestodevedesetosam je ranjeno (podatak iz predmetne Inicijative).

Trg Policije 1992-1995“ će biti simbol antifašizma i otpora agresoru, te istorijski podsjetnik i pouka budućim generacijama.

Zbog svega gore navedenog Stručni tim je prihvatio i uputio u dalju proceduru inicijativu da se javna površinu ispred Tržnog centra „Sjenjak“ koja je omeđena ulicom Maršala Tita sa sjeverne strane, ulicom 15. Maja sa istočne strane, a obalom rijeke Soline sa zapadne strane nosi naziv „Trg Policije 1992-1995“, a koji obuhvata dio nekretnine označene kao k.č. broj 972/1, zv. „BRČANSKA MALTA“, Ostalo neplodno zemljište, površine 8114 m², upisana u PL broj 1543 KO Tuzla II u posjedu Grad Tuzla sa dijelom 1/1 (što po starom premjeru odgovora parcelama označenim kao k.č. broj: 1369 - dio, k.č. broj: 1367, k.č. broj: 1366, k.č. broj: 1365, k.č. broj: 1363, k.č. broj: 1362, k.č. broj: 1364/4, k.č. broj: 1364/3 – dio, k.č. broj: 1369/23- dio, k.č. broj: 1368/5- dio, k.č. broj: 1364/2, k.č. broj: 1413/3 – dio, k.č. broj: 1413/5- dio i 1369/24 – dio)

Za obuhvat „Trg Policije 1992-1995“ urađen je Grafički prikaz područja, koji je prilog ove Odluke.

Cijeneći kvalitet predloženog naziva trga, Stručni tim je utvrdio da predloženi naziv „Trg Policije 1992-1995“ zadovoljava kriterije propisane Odlukom o načelima, kriterijima i postupku za određivanje naziva ulica, trgova, mostova i parkova na području grada Tuzla jer odražava značajan doprinos pripadnika policije u odbrambeno-oslobodilačkom ratu 1992.-1995. godina.

Ova Odluka je u formi nacрта jer je članom 17. Odluke o načelima, kriterijima i postupku za određivanje naziva ulica, trgova, mostova i parkova na području grada Tuzla propisano da Stručni tim po zaključenju javne rasprave sačinjava izvještaj o provedenoj javnoj raspravi, utvrđuje prijedlog odluke i isti dostavlja gradonačelniku radi davanja eventualnih primjedbi i sugestija, nakon čega se prijedlog odluke upućuje Gradskom vijeću na razmatranje i donošenje.

III Obrazloženje pojedinih odredaba

Članom 1. vrši se dopuna Odluke o nazivima naseljenih mjesta, naselja, ulica i trgova na području grada Tuzle („Službeni glasnik Grada Tuzla“, broj: 1/22 i 6/25), (u daljem tekstu: Odluka) na način da se poslije tačke 6. dodaje se nova tačka 7. koja glasi „Trg Policije 1992.-1995.“

Članom 2. utvrđena je obaveza Službe za komunalne poslove, izgradnju i poslove mjesnih zajednica da izvrši obilježavanje naziva trga, a Služba za geodetske i imovinsko pravne poslove se obavezuje unijeti naziv trga u Adresni registar.

Članom 3. regulisano je stupanje na snagu ove Odluke.

IV Finansijska sredstva

Za provođenje ove Odluke nije potrebno obezbjeđenje dodatnih finansijskih sredstava u Budžetu Grada Tuzle.

PREDLAGAČ
Gradonačelnik

OBRAĐIVAČ
Stručni tim za određivanje naziva ulica
i trgova na području Grada Tuzla